

ՄԱԳԼԵՆ ԴԵ ԳՈՄԵԶԻ «ՊԱՏՄՈՒԹՅՈՒՆ...» ՈՐՊԵՍ ԱՐԱՋԱ
ՓԱՇԱՅԻ ԱՊՍՏԱՄԲՈՒԹՅԱՆ (1623—1627 ԹԹ.) ԱՂԱՅՈՒՐ

Ա. Մ. ՂԱԶԱՐՅԱՆ

Արագա փաշայի ապստամբությունը, որի գործողությունները հիմնականում ծավալվել են Հայկական բարձրավանդակում, մեծապես շոշափել է հայ ժողովրդի շահերը և մշտապես գտնվել հայագետների ու արևելագետների¹ ուշադրության կենտրոնում: Այս առումով, յուրաքանչյուր նոր աղբյուրի ի հայտ բերում և արժեքավորում կարևոր նշանակություն ունի ինչպես հայագիտության, այնպես էլ արևելագիտության համար: Այդ աղբյուրների շարքին է պատկանում Մագլեն դե Գոմեզի «Օսմանի» անվամբ առաջին, 19-րդ թուրք սուլթանի և կայսրուհի Աֆենդինա Ասադի պատմություն» վերնագրով աշխատությունը², որը արժեքավոր տեղեկություններ է պարունակում XVII դ. առաջին քառորդում թուրք-լեհական հարաբերությունների, ենթերական կորպուսի մարտունակության աստիճանական անկման, սուլթան Օսման II-ի (1618—1622 թթ.) սպանության, Արագա փաշայի ապստամբության և այլ հարցերի վերաբերյալ, որոնք բացակայում են այլ աղբյուրներում:

Մ. դե Գոմեզի աշխատությունը գրված է XVII դ. Կոստանդնուպոլսի ֆրանսիական դեսպաններ Բարոն դե Սալինյակի, Աշիլ դե Հարլի Սենսիի, Բարոն դե Մոլեի և դե Հարլի Կոնտ դե Սելիի զեկուցագրերի հիման վրա, որոնք քաջատեղյակ լինելով սուլթանական պալատում ծագած խոր հակասություններին, պալատական խմբավորումների վարած քաղաքականությանը, հավաստի ու մանրամասն ներկայացրել են կայսրության սոցիալ-քաղաքական վիճակը³:

Օգտագործելով այդ զեկուցագրերում տեղ գտած վկայությունները, համեմատական զուգահեռներ ենք անցկացրել դրանց և հայկական, թուրքա-

1 Մ. Կ. Զուլալյան, Զալաինների շարժումը և հայ ժողովրդի վիճակը Օսմանյան կայսրության մեջ, Երևան, 1966, Աշ. Հովհաննիսյան, Դավաքներ հայ ազատագրական մարտի պատմության, գիրք 2, Երևան, 1959, А. С. Тверитинова, Восстание Кара Языджи-Делн Хасана в Турции, М.—Л., 1946; А. Д. Новичев, История Турции (эпоха феодализма), Л., 1963; М. А. Гасратян, С. Ф. Орешкова, Ю. А. Петросян, Очерки истории Турции, М., 1983.

2 Histolre d' Osman premier du nom, XIX^e empereur des Turcs et de l'impératrice Apendina Ashada, par Madame de Comez (այսուհետև՝ G o m e z, Histoire), Amsterdam, 1734, t. 1, 2.

3 Նույն տեղում, հ. 1, էջ 145:

4 Գր. Դարանաղցի, Ժամանակագրություն Գրիգոր վարդապետի Կամախեցույ կամ Դարանաղցույ, հրատ. Մ. Նշանեան, Երուսաղեմ, 1915, Պատմություն Առաքել վարդապետի Դաւրիժեցւոյ, սակս դիպուածոց Հայաստանեայց և զաւառին Արարատայ և մասին Գողթան զաւառին սկսեալ ի ՌՄԱ թուականին Հայոց մինչև ի ՌՃԺԱ թ., Վաղարշապատ, 1896, Ե. Քեօմիւրճեան, Պատմութիւն համառօտ ԴՃ տարւոյ օսմանցոց թագավորացն, աշխատասիրությամբ Ժ. Ավետիսյանի, Երևան, 1982, Հայերեն ձեռագրերի ԺՃ զարի հիշատակարանները (այսուհետև՝ Հիշատակարաններ), կազմեցին Վ. Հակոբյան, Աշ. Հովհաննիսյան, հ. Ա, Երևան, 1974, հ. Բ, Երևան, 1978, Մանր ժամանակագրություններ 13—18-րդ դարերի, կազմեց Վ. Հակոբյան, հ. 1, Երևան, 1951, հ. 2, Երևան, 1956, Սիմէոն դպրի Լեհացւոյ ուղեգրութիւն, հրատ.՝ Զ. Ակիւնյան (Հանգես ամսօրյա, 1934, № 3—4 և 1935, № 7—9), Նույնի՝ Путевые заметки (сост. комм. снабдил Л. Дарбинян, М., 1965), Զ. Կամախեցի, Պատմութիւն պատերազմին Խոթինա, հրատ.՝ Զ. Անասյան, Երևան, 1964:

կան⁵ ու այլ աղբյուրների հաղորդած վկայությունների միջև: Նշենք, որ սույն հոդվածում ընդգրկված աղբյուրագիտական տվյալները մեծապես լրացնում են վերը նշված աղբյուրներին և առաջին անգամ են դրվում գիտական շրջանառության մեջ:

XVI դ. մայրամուտը Օսմանյան կայսրության համար նշանավորվեց ցընցումների մի շրջանով, երբ պետական ապարատը գտնվում էր կազմավորման եզրին, պալատը բաժանված էր ընդդիմադիր խմբավորումների, պալատում և ողջ երկրում ծաղկում էր կաշառակերությունը, տնտեսական կյանքը գտնվում էր ճգնաժամային վիճակում, կենտրոնական կառավարության քաղաքականությունից դժգոհում էին ինչպես խոշոր, այնպես էլ մանր ու միջին դիրքի ֆեոդալները, գյուղացիությունը ծայր աստիճան աղքատացել էր և անկարող էր վճարել անշեղորեն աճող հարկերը: Մյուս կողմից, եվրոպական ու արևելյան ճակատներում միաժամանակյա մղվող պատերազմները ջլատել էին օսմանյան ռազմական ուժերը, քայքայել երկրի ֆինանսատնտեսական վիճակը⁶: Այս պայմաններում սուլթան Ահմեդ I-ը (1603—1617 թթ.) մեծ ճիգերի գնով կարողացավ ճնշել ջալալիների ապստամբությունը (1609 թ.), և որոշ չափով կարգավորվեց երկրի սոցիալ-տնտեսական վիճակը: Սակայն այդ միջոցառումներն ունեցան մասնակի ու ժամանակավոր հաջողություն:

Սուլթան Ահմեդ I-ի մահվանից հետո (1617 թ.), նրա կտակի համաձայն, երկրի կառավարումը պետք է հանձնվեր իր եղբորը՝ Մուստաֆային, մինչև գահի օրինական ժառանգորդ Օսմանի չափահաս դառնալը:

Սուլթան Մուստաֆայի օրոք (1617 թ. նոյեմբեր—1618 թ. փետրվար) ողջ իշխանությունը կենտրոնացած էր իր մոր ու նրան հարող խմբավորման ձեռքին, և որևէ փոփոխություն տեղի չունեցավ երկրի տնտեսական, քաղաքական կյանքում: XVII դ. I քառորդին Օսմանյան կայսրության առջև կանգնած մի շարք կարևորագույն խնդիրների (երկրի ֆինանսատնտեսական վիճակի բարելավում, նորանոր ռազմական հաղթանակների ապահովում արտաքին քաղաքական ասպարեզում և այլն) լուծման ուղիների ընտրության հարցում պալատական վերահսակը բաժանվեց երկու անհաշտ, ընդդիմադիր խմբավորումների: Այս խմբավորումներից առաջինը, որն իր շարքերում ընդգրկում էր հետադիմական հոգևորականությունը, պալատական բարձր պաշտոնյաներին, գահաժառանգ Մուրադի մորը (սուլթանուհի Քյոսեմ) և այլոց, նպատակ ուներ գահ բարձրացնել այնպիսի սուլթանի, որը խանգարեր իրենց՝ միջամտելու կայսրության տնտեսական և քաղաքական գործերին. շարունակել պաշտոնների առևտրախր, երկրի ֆինանսները կարգավորել գյուղացիության բացարձակ կողոպուտի ու նորանոր հարկերի ավելացման միջոցով: Հակառակ սրան, պալատական մյուս խմբավորումը, որն իր շարքերում ընդգրկում էր նոր գահ բարձրացած պատանի սուլթան Օսման II-ին,

⁵ Քուրբանյան աղբյուրները Հայաստանի հայերի և Անգրկովկասի մյուս ժողովուրդների մասին (այսուհետև՝ Քուրբանյան աղբյուրներ), կազմեց՝ Ա. Խ. Սաֆրաստյան, հ. Ա, Երևան, 1961, հ. Բ, Երևան, 1964, է. 2 և 3-րդ, Ուղեգրություն, թարգմ. Բնագրից, առաջաբան և ծանոթագրություններ՝ Ա. Խ. Սաֆրաստյանի, Երևան, 1967: Э. Челеби, Книга путешествий, вып. 3—Земли Закавказья и сопредельных областей Малой Азии и Ирана, пер., пред., комм. Ф. М. Алиева, А. Д. Желяткова, М. К. Зулаляна, Г. В. Путьридзе, М., 1983; «Джипхан Нюма» и «Фезелехе» Кятиба Челеби как источник по истории Армении (XVII в.), пред., пер. и комм. А. А. Папазян, Ереван, 1973; Х. Туга, «Ибрег-ньюма» и донесения польских послов Сулишского и Збаражского (см. Османская империя в первой четверти XVII века, сб. докум. и матер., сост. Х. М. Ибрагим-бейли, Н. С. Рашба, М., 1984).

⁶ А. С. Тверитинова, *Изд. աշխ., Մ. Կ. Զուլալյան, Նշվ. աշխ., նույնի՝ Արևմտյան Հայաստանը XVI—XVIII դարերում, Երևան, 1980, J. H. Uzunçarşılı, Osmanlı*

Tarih, c. I—IV, Istanbul, 1947—1959, M. Akdag, Osmanlı İmparatorluğunun kuruluş ve inkisadı devrinde Türkiye'nin iktisadi vaziyeti (Belleten, c. I—XIII. 1942, № 51—55), նույնի՝ Celali isyanları. Ankara, 1963 և այլն:

ինչպես նաև պալատի որոշ պաշտոնյաների և ժայռամասի որոշ նահանգապետների, հանդես եկավ բարեփոխումների՝ ըստ էության դժվար իրագործելի ծրագրով: Սուլթան Օսման II-ը այդ մասին հայտարարեց թուրքլեհական պատերազմից հետո տեղի ունեցած Դիվանի նիստում: Ծրագրվում էր.

ա) գրավել Կենտրոնական Եվրոպայի երկրները, դուրս գալ Բալթիկ ծով, հիմնել նավատորմ. բ) ոչնչացնել անհնազանդ ենիչերիների ու սիփահինների կորպուսը՝ նրանց փոխարեն բանակ զորակոչելով արաբներին ու թուրքմեններին, որոնք խիզախությամբ ու հավատարմությամբ աչքի ընկան թուրքլեհական պատերազմում: Սուլթան Օսմանը Մեքքա ուխտի գնալու պատրվակով մտադրվել էր ենիչերիներին տանել Արաբիայի անապատները, ուր արաբական զորքերը՝ Դամասկոսի ու Կահիրեի փաշաների գլխավորությամբ պետք է ոչնչացնեին նրանց. գ) մայրաքաղաքը Կոստանդնուպոլսից տեղափոխել Կահիրե⁶. դ) բարձր հոգևորականության տնտեսական ու ֆինանսական կարողությունն ու ազդեցությունը չեզոքացնելու նպատակով նրանց հեռացնել պետական գործերի կառավարումից. ե) փոխել տարասր և այլն⁷: XVII դ. Օսմանյան կայսրությունում այսպիսի արմատական բարենորոգումների իրականացումը պետք է հանդիպեր հետադիմական հոգևորականության ու խոշոր պետական պաշտոնյաների կատաղի դիմադրությանը, որոնք այդ պայթարում օգտագործեցին ենիչերիների ռազմական ուժը:

XVII դ. 20-ական թվականներին Օսմանյան կայսրության սոցիալ-քաղաքական կյանքի առանձնահատկություններից մեկն էլ այն էր, որ չնայած զգալիորեն ընկել էր ենիչերական կորպուսի մարտունակությունը, այդուհանդերձ անհամեմատ ուժեղացել էր նրա քաղաքական դիրքը⁸, և նրա ուժը այժմ պողեն օգտագործվում էր ոչ միայն պատերազմներում հաղթանակներ ապահովելու, այլև երկրի ներսում այս կամ այն քաղաքական գիծը իրականացնելու համար:

Չենց վերը նշված պալատական խմբավորումը օգտագործեց այդ ազդեցիկ ռազմական ուժը, գահընկեց արեց և մահվան դատապարտեց պատանի սուլթանին՝ կրկին գահ բարձրացնելով խելակորույս Մուստաֆա I-ին: Այս պայմաններում, ոգևորված սուլթան Օսման II-ի այրու՝ Աֆենդինայի՝ նահանգի փաշաներին հղած նամակից (ի դեպ, հայ ժամանակագիր Գր. Դարաձաղցու վկայությամբ, որ նամակը գրել է վալիդե սուլթանուհին՝ սուլթան Օսմանի մայրը, սխալ է)⁹, ժայռամասի նահանգապետները սկսեցին բացահայտորեն հրաժարվել կենտրոնական կառավարությանը հնազանդվելուց և ապստամբության դրոշ բարձրացրին:

Կայսրության տարածքում սուլթան Օսման II-ի կողմնակից խոշոր ֆեոդալների բարձրացրած ապստամբությունների շարքում իր ուժգնությամբ ու թափով աչքի է ընկնում էրզրումի բելլերբեյ Արազա փաշայի ապստամբությունը, որը, շարունակելով սուլթան Օսման II-ի գործը, կտրուկ ու խստագույն միջոցներ ձեռնարկեց վերջնականապես սաստելու ենիչերիներին, կանխելու քաղաքական գործերին միջամտելու նրանց մտադրությունը՝ վերջին-

⁶ Թուրք պատմաբան Դանիշմենը վկայում է, որ պետության մայրաքաղաքը պետք է տեղափոխվեր Անատոլիա (տե՛ս J. H. Danişmend, *Izahlı Osmanlı tarihi kronolojisi*, İstanbul, 1961, c. III, s. 292).

⁷ Gomez, *Histoire*, t. 2, p. 90, հմտ. Դարասաղցի, նշվ. աշխ., էջ 205—207.

⁸ J. H. Uzuncarsili, *Osmanlı devleti teşkilâtından kapıkulu ocakları*, c. 1—2, Ankara, 1943—1944. Ուղունշարջըլըն ենիչերական կորպուսի մարտունակության անկման գործում ամբողջ մեղքը բարդում է դեշիրմենների վրա, որոնցով համարվում էին ենիչերիները:

⁹ Գր. Դարասաղցի, նշվ. աշխ., էջ 226—227.

ներիս մեղադրելով տիրասպանության մեջ, նրանց համարելով «կայսրության թշնամիներ»⁹:

Նախքան ապստամբությունը, Աբազա փաշան նամակագրական կապերի մեջ է մտնում հարևան խոշոր ֆեոդալների ու նահանգապետների հետ՝ կոչ անելով միասնալ իրեն, շենթարկվել կենտրոնական կառավարության հրովարտակներին և իրենց տիրապետության տարածքում կոտորել բոլոր ենիչերիներին, վրեժխնդիր լինելով նրանցից սուլթան Օսմանի ողբերգական սպանության համար¹⁰: Աբազա փաշայի առաջարկը հավանության է արժանանում Փոքր Ասիայի մի շարք թուրք ֆեոդալների կողմից: Այս փաստը արձանագրված է նաև հայ ժամանակագիր Ա. հարբերդցու մոտ:

Մեծ մեծ խաներ առ ինքն եկան

Եւ պարոնայք ամենեքեան

Հստ նմա եղան միաբան,

Թէ ուր է մեծ արայն Օսման¹¹:

Թուրք պատմիչ Բ. Չելեբու վկայությամբ Աբազա փաշային միացել են Մարաշի բելլերբեյ Կլավուն Յուսուֆ փաշան և Սվազի թայար Մուստաֆա փաշան¹²:

Նշենք, որ ֆրանսիական դեսպանների զեկուցագրերում տեղեկություններ չկան այն մասին, թե ինչպես է սկսվել Աբազա փաշայի ապստամբությունը և բացի այդ բացակայում են ապստամբական բանակի և կառավարական պատժիչ զորքերի միջև կայացած ճակատամարտերին վերաբերող տվյալները: Սակայն կարևոր է այն վկայությունը, որ Աբազա փաշայի ապստամբությանը մասնակցել են մեծ թվով գյուղացիներ¹³:

Գր. Դարանաղցու հավաստմամբ Աբազա փաշայի ապստամբության անմիջական շարժառիթը էրզրումի շրջանի գյուղացիության բողոքն էր տեղացի ենիչերիների բռնություններից ու խժոժություններից¹⁴:

Հստ Մ. դե Գոմեզի, Աբազա փաշան 40000 զորքի գլուխ անցած պաշարում է Ահհիսարը, որը գրավելուց հետո մահապատժի է ենթարկում քաղաքը պաշտպանող 8000 ենիչերիների¹⁵: Այնուհետև Աբազա փաշան պաշարում է Կարահիսարը, որը գրավելուց հետո սրի է քաշում 15000 ենիչերիների ու սիփահինների: Թուրքական աղբյուրների վկայությամբ, Կարահիսարի բերդապահ Մուրթազա փաշան միանում է Աբազա փաշային¹⁶:

Պաշարված էր Կարահիսարը, երբ իր հեղինակությունը ապստամբական բանակի շարքերում և կայսրության ողջ տարածքում բարձրացնելու համար Աբազա փաշան երկրի տարբեր մասերն ուղարկեց սուլթան Օսմանի ուղերձը, որը մզկիթում կայացած մի հանդիպման ժամանակ Աբազային դիմել էր հետևյալ խոսքերով. «Մեծ մուսուլմաններ, իմ ժառանգներից ամենահավատա-

⁹ Gomez, Histoire, t. 2, p. 187—188. Աբազա փաշայի ապստամբության մասին մանրամասն տես Մ. Կ. Ջուլալյան, Նշվ. աշխ., էջ 191—216, նույն ժամանակ. Обстоятельства восстания Абаза паши в Эрзруме по армянским источникам (Тюркологический сборник, М., 1978, с. 151—157).

¹⁰ Gomez, Histoire, t. 2, p. 187—188.

¹¹ Հիշատակարաններ, հ. Բ, էջ 125:

¹² Թուրքական աղբյուրներ, հ. Բ, էջ 104:

¹³ Gomez, Histoire, t. 2, p. 224.

¹⁴ Գր. Դարանաղցի, Նշվ. աշխ., էջ 216, հմմտ. Թուրքական աղբյուրներ, հ. Ա, էջ 82: Թուրք պատմաբան Մ. Ակդադի բերած արխիվային տվյալների համաձայն, նահանգներում տեղի ունեցած դարձած ենիչերիները սկսել են կամայական հարկեր սահմանել, որոնք գանձվել են դրամով և հասել մեծ չափերի (տե՛ս М. Акдаг, Celali isyanları, s. 265, vesika 11, հմմտ. Симеон Лехацци, Նշվ. աշխ., տե՛ս նաև И. Е. Петросян, Янычарские гарнизоны в провинциях Османской империи (Османская империя, М., 1986).

¹⁵ Gomez, Histoire, t. 2, p. 191.

¹⁶ Թուրքական աղբյուրներ, հ. Ա, էջ 83, հ. Բ, էջ 104:

րիմներ, վրեժ լուծեք 60 000 ենիչերիններից իմ մահվան համար: Շտապեցեք, թող հաջողությունը ուղեկցի ձեզ և հաղթանակով պսակի ձեր նախաձեռնությունը»¹⁷:

Սուլթանական կառավարությունը, տեղի տալով կատաղած ենիչերինների բողոքներին, Արաղա փաշայի դեմ պատժիչ զորքեր է ուղարկում Ջղալ փաշայի գլխավորությամբ¹⁸: Կեսարիայի դաշտում կառավարական զորքերի և ապստամբական բանակի միջև տեղի ունեցած ճակատամարտում Արաղա փաշայի զորքը պարտվում է և վերջինս փախչում ու պատսպարվում է էրզրումի բերդում: Իսկ 1624 թ. վերջերին պատժիչ զորքի հրամանատար մեծ վեզիր Մահմուդ փաշայի և Արաղա փաշայի միջև սկսված բանակցությունների հետևանքով Արաղա փաշային կրկին հանձնվում է էրզրումի բեյլերբեյությունը, իսկ վերջինս համաձայնվում է բերդում թողնել 2000 ենիչերինների¹⁹: Այս դրությունը շարունակվում է ընդհուպ մինչև 1627 թվականը: Այս մասին զեկուցագրերում տեղեկություններ չկան: Սակայն վկայություններ կան այն մասին, որ Կոստանդնուպոլսում փոխվում է ուժերի հարաբերակցությունը, և սուլթան Օսման II-ի համախոհներին հաջողվում է 1623 թ. սեպտեմբերի 23-ին գահ բարձրացնել սուլթան Մուրադ IV-ին (1623—1640 թթ.), որը հայտարարում է, որ իր հիմնական նպատակն է կարգավորել երկրի փոթորկահույզ վիճակը և վրեժխնդիր լինել սուլթան Օսման II-ի սպանողներից¹⁹:

Սուլթան Մուրադ IV-ի մայրը՝ Քյոսեմը, իր որդու գահակալության ըսկրզբնական շրջանում անմիջական մասնակցություն ունեւ երկրի կառավարմանը: Գիտակցելով, որ Արաղա փաշայի և նրա համախոհ ֆեոդալների ապստամբությունը վերջնականապես ճնշված չէ, նա հորդորում է Աֆենդինային՝ նամակ գրել վերջիններիս՝ հնազանդության կոչ անելով: Աֆենդինային՝ Արաղա փաշային հղած նամակում նշվում էր հետևյալը. «Ես կարծում եմ, որ շեւ մերժի զենքը ցած դնելու իմ առաջարկը և կայսրաբես Մեծ Օսմանի եղբոր և գահի օրինական ժառանգորդ սուլթան Մուրադի թշնամիների դեմ, որն Աստծո կամոք գահ բարձրացավ: Նորին մեծությունը գնահատում է քեզ: Եթե ուզում ես, որ Անատոլիան խաղաղվի, ընդունիր իմ առաջարկը»²⁰:

Այս նամակից հետո մեծ թվով ապստամբած ֆեոդալներ, գիտակցելով, որ իրենց նպատակին հասել են, զենքը ցած են դնում: Սակայն Արաղա փաշան, երբ տեղեկանում է, որ սուլթանուհի Քյոսեմը պարսկական արշավանքի մեկնող ենիչերիններին (խոսքը վերաբերում է 1627 թ. դեպի Ախալցխայի բերդը արշավող Դիշլենկ Հյուսեին փաշայի զորքին) գաղտնի հրահանգ էր տվել սպանել իրեն, կրկին ապստամբություն է բարձրացնում՝ ապստամբական բանակի կոչ հռչակելով՝ «Կեցցե սուլթան Մուրադը, մահ՝ սուլթան Օսմանի սպանողներին»²¹:

Ի դեպ, այս մասին թե՛ թուրքական, թե՛ հայկական աղբյուրներում տեղեկություններ չկան:

Կառավարական պատժիչ զորքի և Արաղա փաշայի զորքի միջև տեղի ունեցած ճակատամարտի ժամանակ Արաղան փայլուն հաղթանակ է տանում, իսկ գերի ընկած Դիշլենկ Հյուսեին փաշան, ինչպես նաև 8000 ենիչերիններ ու 4000 սիփահիններ սրի են քաշվում²²: Այս հաղթանակից անմիջապես հետո Արաղա փաշան զեկուցագիր է ուղարկում սուլթան Մուրադին և Դիվանի անդամներին, որտեղ նշում էր, որ ինքը փառասիրական ոչ մի նկրտումներ չու-

¹⁷ Gomez, Histoire, t. 2, p. 189.

¹⁸ Թուրքական բանակի հրամանատարն էր Ջղալօղլի Սինան փաշայի որդի Մահմուդը (տե՛ս J. H. Danismend, նշվ. աշխ., հ. 3, էջ 331, Մ. Կ. Զ ու լ ա լ է ա ն, նշվ. աշխ., էջ 205):

¹⁹ Թուրքական աղբյուրներ, հ. Ա, էջ 83, հ. Բ, էջ 104:

²⁰ Gomez, Histoire, t. 2, p. 205.

²¹ Նույն տեղում, հ. 2, էջ 219:

²² Նույն տեղում, հ. 2, էջ 216:

²³ Նույն տեղում, հ. 2, էջ 224, հմմտ. Թուրքական աղբյուրներ, հ. Ա, էջ 83:

նի, իր միակ նպատակն է վրեժ լուծել Օսմանի համար²³։ Թուրք պատմաբան Ի. Հ. Դանիշմենդի վկայությամբ, այս փաստը արձանագրված է Թուրք ժողովրդական գրականության նմուշներում, ուր պահպանվել է Աբազա փաշայի քառատողը.

Մուրազս է գնալ Ստամբուլ
Ու կարգավորել գահը օսմանյան,
Լինել սուլթան Մուրադ խանի վեզիրը,
Եթե մեռնեմ դրանից հետո՝ ցավ չէ ինձ համար²⁴։

Իսկ Աֆենդինային ուղղված նամակում Աբազա փաշան հայտնում է իր մտադրությունը՝ մինչև վերջ պայքարել սուլթան Օսմանի սպանողներից վրեժ-խնդիր լինելու համար և ստիպել նրանց (ենիչերիներին — Ա. Ղ.) հնազանդվել և հավատարմորեն ծառայել «Օսմանների պայծառափայլ ցեղին»։

Աբազայի կարծիքով պատանի սուլթան Մուրադը չի կարող դեռևս ինքնուրույն կառավարել կայսրությունը և պալատում ունի շատ թշնամիներ, որոնք սպառնում են նրա անվտանգությանը։

Նամակում նշված էին նաև «կայսրության թշնամիների անունները»²⁵,

Թուրքական աղբյուրները հաստատում են, որ սուլթան Մուրադ IV-ը ինքնուրույն կառավարել է սկսած 1628 թվականից։ Նա ցրեց թիկնապահ զորքը, կասկածելով նրա հավատարմությանը, մահապատժի ենթարկեց ենիչերական կորպուսի մի շարք բարձրաստիճան սպաների, նոր զորահավաք անցկացրեց՝ ենիչերիների ու սիփահիների զորքերը հավատարիմ մարդկանցով համալրելու նպատակով²⁶։ Այս միջոցառումները հուզումների նոր ալիք բարձրացրին, սակայն Մուրադ IV-ին հաջողվեց ճնշել ենիչերիների ապստամբությունը։

Ջեկուցագրերի վկայությամբ, Աբազա փաշան, որ մի նոր հաղթանակ էր տարել կառավարական պատժիչ զորքերի դեմ և ընդհուպ մոտեցել Կոստանդնուպոլսին, ցանկություն է հայտնել օգնելու սուլթան Մուրադին²⁷։

Նույն աղբյուրների համաձայն Աֆենդինայի միջնորդությամբ սուլթանը ներում է շնորհում Աբազա փաշայի ապստամբական բանակին, որը 1500 հեծյալների զուլխն անցած մտնում է Կոստանդնուպոլիս և արժանանում պատվավոր ընդունելության։ Բացի այդ Աբազա փաշային շնորհվում է Բոսնիայի բեյլերբեյի պաշտոնը²⁸։

Այս վկայությունները, թեև մոտ են իրականությանը, սակայն մեզ ավելի հավաստի են թվում Թուրքական և հայկական աղբյուրների հաղորդած տեղեկությունները, որոնց համաձայն 1627 թ. սեպտեմբերի 18-ին էրզրումի աւրոցը պաշարած կառավարական պատժիչ զորքերի հրամանատար Խուսրև փաշան հարկադրում է Աբազա փաշային 6-օրյա պաշարումից հետո անձնատուր լինել²⁹։ Ջեկուցագրերում վկայություններ չկան Աբազա փաշայի հետագա ճակատագրի մասին, որը 1634 թվին զոհ է գնում ենիչերիների լարած որդալթներին³⁰։

²³ Gomez, Histoire, t. 2, p. 226—227.

²⁴ J. H. Danışmend, նշվ. աշխ., հ. 3, էջ 317.

²⁵ Gomez, Histoire, t. 2, p. 233.

²⁶ Նույն տեղում, էջ 246։

²⁷ Նույն տեղում, էջ 247։

²⁸ Նույն տեղում, հմտ. Գր. Դարանաղջի, նշվ. աշխ., էջ 226—227, հմտ. նաև Մանր ժամանակագրություններ, հ. Բ, էջ 270, J. H. Danışmend, նշվ. աշխ., հ. 3, էջ 343։

²⁹ Թուրքական աղբյուրներ, հ. Ա, էջ 64, հ. Բ, էջ 154, հմտ. Գր. Դարանաղջի, նշվ. աշխ., էջ 224, Հ. Տաշյան, Ցուցակ հայերէն ձեռագրաց Մատենադարանին Մխիթարեանցի վիճենա, Վիճենա, 1895, էջ 839։

³⁰ Գր. Դարանաղջի, նշվ. աշխ., էջ 229, Հիշատակարաններ, հ. Բ, էջ 534—536, 687։

Այսպիսով, ինչպես տեսնում ենք, ֆրանսիական դեսպանների ղեկուցագրերում արձանագրված են այնպիսի տեղեկություններ, որոնք բացակայում են մյուս աղբյուրներում (թուրքական, հայկական աղբյուրներ, ինչ դեսպանների ղեկուցագրեր և այլն)։ Նկատի ունենք Աբազա փաշայի նամակագրական կապը սուլթան Մուրադ IV-ի, սուլթան Օսման II-ի կնոջ՝ Աֆենդինայի հետ։ Մյուս կողմից, ֆրանսիական դեսպանների հաղորդած տեղեկությունների շնորհիվ գաղափար ենք կազմում նշված ժամանակաշրջանում սուլթանական պալատում տեղի ունեցած անցուղարձերի, պատմական որոշակի անձնավորությունների, խմբավորումների, ինչպես նաև նրանց՝ այս կամ այն քաղաքական գծի վերաբերյալ։

Այս ամենից ելնելով կարող ենք եզրակացնել՝

ա) Աբազա փաշայի ապստամբությունը նպատակ չի ունեցել թոթափելու Օսմանյան կայսրության լուծը, այն ուղղված է եղել ոչ թե Օսմանյան գահի դեմ, այլ նպատակ է ունեցել ամրապնդել ու բարեկարգել այն, վերջ տալ ենի-չերիների կամայականություններին ու խժոժություններին։

բ) Աբազա փաշայի ապստամբության գաղափարական ուղղություն տվողն ու ոգեշնչողը եղել են սուլթան Օսման II-ի կողմնակից պալատի որոշ պաշտոնյաներն ու նրա կինը՝ Աֆենդինան։

Հարկ է նշել, որ ֆրանսիական դեսպանները հաղորդում են ժամանակագրական առումով ոչ ճիշտ, երբեմն միակողմանի ու ընդհանուր տեղեկություններ, այս կամ այն հարցին տալիս կողմնակալ, ոչ օբյեկտիվ մեկնաբանություններ։ Այսպես՝ թվում է, թե ղեկուցագրերում ներքին համակրանք կա սուլթան Օսման II-ի կողմնակիցների, Աֆենդինայի և հատկապես Աբազա փաշայի ապստամբության նկատմամբ։

Բացի այդ, քննվող աղբյուրում նույնացվել են պատմական երկու անձնավորություններ. սուլթան Օսման II-ի ուսուցիչը և գաղափարների ոգեշնչողը եղել է ոչ թե շեյխ-ուլ իսլամ Ասադը՝ իր կնոջ հայրը, այլ հորա Օմեր էֆենդին։ Իսկ սուլթան Օսման II-ի ձեռնարկած միջոցառումները խոր հակասություններ էր առաջացրել իր և շեյխ-ուլ իսլամ Ասադի միջև։

Չնայած վերը նշված թերություններին, ֆրանսիական դեսպանների հաղորդած տեղեկությունները նույնպես կարևոր են մատնանշված ժամանակաշրջանում Օսմանյան կայսրության միջնադարի պրոբլեմների խոր ու համակողմանի ուսումնասիրման համար։

«ИСТОРИЯ...» МАДЛЕН ДЕ ГОМЕЗА КАК ИСТОЧНИК ВОССТАНИЯ АБАЗА-ПАШИ (1623—1627 гг.)

А. М. КАЗАРЯН

Резюме

Восстание Абаза-паши, действия которого в основном проходили на территории Армянского нагорья, всегда находилось под пристальным вниманием арменоведов и востоковедов.

В этой связи выявление новых источников имеет важное значение как для арменоведения, так и для востоковедения.

К этим источникам относится труд Мадлена де Гомеза, изданный в Амстердаме в 1734 г.

Он написан на основании донесений французских послов Константинополя в первой четверти XVII в. и содержит достоверные данные о турецко-польских отношениях, постепенном снижении боеспособности янычарского корпуса, убийстве султана Османа II (1618—1622 гг.), восстании Абаза-паши, отсутствующие в турецких и армянских источниках того периода. В донесениях французских послов есть такие сведения, которые не освещены в других источниках.